

HIERONYMUS.

ΕΥΣΕΒΙΟΣ.

EUSEBIUS.

G.

GAAS, mons in tribu Ephraim, in cuius Septemtrionali parte sepultus est Iesus filius Nave, & usque hodie juxta vicum Thammam sepulchrum ejus insigne monstratur.

Γαὰς, ὄρος Εφραΐμ, οὗ ἐν βορείοις ἔδωκεν Ἰησοῦν. * δείκνυται δὲ ἐπίσημον εἰς ἐτι νῦν αὐτοῦ τὸ μῆμα πλησίον Θαμ- νὰ κώμης.

GAAS, mons Ephraim, ubi ad septemtrionalem plagam sepelierunt Iesum. Porro monstratur usque hodie insigne illius monumentum juxta vicum Thammam.

GABA, Isaia x. v. 29. quid sit ex versione nostra, aut Septuaginta Interpretum non facile colligas; ex Hebræo videtur satis manifestè colligi hospitii aut diversorii nomen non procul Rama & Gabaa esse, cum in Hebræo habeatur גבעה גבעה *Geba malon lann*, quod duobus modis verti potest, vel ut *lann*, verbum sit, & tunc vertendum erit: in *Gaba diversorio pernoctarunt*, vel ut eadem vox sit pronomen idem significans quod *nobis*; & tunc reddetur: *Gaba diversorium nobis*, seu *nostrum*, supple ex verbo præcedente, transferunt.

GABAA. Vide **GABE**.

GABAAN, usque ad hanc belatum est contra tribum Benjamin, sicut in libro Judicum scribitur.

Γαβαν, μέχρι ταύτης ἐπολέμησε Βενιαμίν, ὡς ἐν κρίταις.

GABAAN, usque ad hanc pugnavit Benjamin, ut est in libris Judicum.

GABAATH, in tribu Benjamin urbs Phinees filii Eleazari, ubi sepultus est Eleazarus. Est autem Gabaatha nunc villa in duodecimo milliario Eleutheropoleos, ubi & sepulchrum Prophetæ Habacuc ostenditur.

Γαθαθ, ὄρος Εφραΐμ, Φινεὺς πέλις, υἱοῦ Ελεάζαρ, οὗ ἔδωκεν τὸν Ελεάζαρ, καὶ εἰς ἐτι νῦν ἐστὶ Γαθαθ κώμη, ὡς ἀπὸ β' σημείων Ελευθεροπόλεως, ἔδωκε καὶ τὸ μῆμα Αββακούμ ἐπιδείκνυται τοῦ προφήτη. ἦν δὲ φυλὴς Βενιαμίν.

GABAAS, mons Ephraim, civitas Phinees qui fuit filius Eleazari, ubi Eleazarum condiderunt, & adhuc jam est Gabatha in duodecimo ferme milliario ab Eleutheropoli, ubi & monumentum prophetæ Abbacum ostenditur. Fuit autem tribus Benjamin.

GABAE. Vide **GABE**.

GABAON, unde Gabaonitæ supplices venerunt ad Iesum, erat olim metropolis, & civitas regalis Eueorum, ceciditque in sortem tribus Benjamin, & nunc ostenditur villa eodem nomine in quarto milliario Bethelis contra Orientalem plagam juxta Rama, & Remmon, ubi Salomon hostiis immolatis divinum meruit oraculum. Fuit autem & ipsa separata Levitis.

Γαβαν, ὅθεν ἐλθόντες οἱ Γαβανῖται ἰκέται γίνονται τοῦ Ἰησοῦ. ἦν δὲ αὕτη μητρόπολις μεγάλη καὶ βασιλικὴ τῶν Εὐαίων, ἣ καὶ γέγονε κλήρε Βενιαμίν. καὶ ἐστὶ κώμη νῦν οὕτω καλεμένη πλησίον Βαιθὴλ πρὸς τὰς δυομᾶς, ὡς ἀπὸ σημείων δ'. παράκει- ται δὲ τῇ Ράμᾳ, καὶ ἀφωρίσθη Λευί- ταις, οἱ πλησίον Ρεμμαά. ἐνταῦθα Σολομὼν θύσας χερσὶ κατηξίω- ται.

GABAON, unde venientes Gabaonitæ supplices fiunt Iesu. Fuit ea metropolis magna & regia Eueorum, quæ & fortis Benjamin extitit. Estque nunc vicus ita dictus juxta Bethel versus occidentem quasi in quarto lapide. Adjacet autem Rama, & separata est Levitis, qui sunt prope Remmaa. Hic Salomon immolatis hostiis oraculum me- ruit.

N O T A E.

1. De hoc monte, & Josue in ejus Septemtrionali parte sepulto habes, Jos. 24. v. 30. & Judic. 2. v. 9. Legimus & in Scriptura torrentem *Gaas*, 2 Reg. 23. v. 30. ab eodem, ut credibile est, monte sic dictus, a quo ex eo collectis & derivatis. BONFRERIUS.

2. Hic locus è versione Septuaginta Interpretum mendosè expressus est, scribendum enim *Gadaam* vel *Gedan*, ut omnes Codices Septuaginta Interpretum habent, Judic. 20. v. 45. quod & Hebræo responderet, in quo habetur גידון *gidom*. Hieronymus in versione nostra locum hunc non exprimit nominatim, sed vel confusè tantum in illis verbis: *cum ultra tenderem*; vel accepit eam vocem appellativè, ut גידון *gidon* *had gidam* idem sit quod, *ad internecionem*, sive animo penitus eos delendi, quam significationem etiam admittit vox Hebræa, ut ad eum locum explicatum est: quamquam nec Hieronymus vim hujus vocis appellativè sumptæ in sua versione satis expresserit. IDEM.

3. De hoc loco *Gabaath Phinees* dicto habes, Jos. 24. v. 33. in quo & sepultus Eleazar Aaronis filius refertur. At mirum est hic Eusebium locum hunc collocare in tribu Benjamin, cum tam disertè Scriptura ibi supra eum statuat in tribu Ephraim. Neque movere quemquam debet quod omnes urbes sacerdotales essent vel in tribu Juda, vel Benjamin; siquidem locus hic extra ordinem datus fuit Eleazaro & Phinees summis pontificibus, & de toto Israëlito populo bene meritis. Adde quod conveniret pontifici juxta tabernaculum & Josue ducis sedem habitationem assignari, atque adeo in tribu Ephraim. IDEM.

4. In tribu Benjamin *Gabaon* fuisse constat ex Jos. 18. v. 25. inter Sacerdotales civitates censetur, Jos. 21. v. 17. fuisse in colle sitam ipsa nominis notio indicat, nam *Gabaon* collem sonat: idem enim hæc vox significat quod *Gabaa*; unde & aliquando *Gabaa* pro *Gabaon* legimus positum, ut 2 Reg. 5. v. 25. nam quod ibi *Gabaa* appellatur,

K 3

1 Paral. 14. v. 16. *Gabaon* dicitur; quemadmodum ad 2 Reg. 5. observabimus. At quæ hic Eusebius scribit de *Gabaon* ægrè tolerari possunt, nempe quod fuerit *ad Orientalem plagam Bethelis*, in ejusque quarto ad Orientem milliario; atque adeo ad Orientalem ferè plagam Hierosolymæ: siquidem Josephus *Gabaonem* tantummodo Hierosolyma distare ait quadraginta stadiis, Lib. 7. Antiq. Cap. 10. quæ quinque milliaria Italica tantummodo efficiunt, nisi stadia Josephi paulò longiora fuisse statuamus, quod ferè certum est, sic ut quinque Josephi stadia milliare unum efficiant quandoque. Alibi tamen idem Josephus quinquaginta stadiorum distantiam *Gabaonem* Hierosolymam facit, nempe 2. Belli Cap. 23. si verò ponatur *Gabaon* ad Orientem Bethelis quatuor millibus distans, cum & ipsa Bethel aliquantulum comparatione Hierosolymæ ad Orientem vergeret, ab eaque distaret duodecim milliariis fierent ab Hierosolyma usque *Gabaon* milliaria sedecim, quod stadiis centum viginti octo responderet, vel certè Josephi stadiis octoginta. Adde tantum abesse, ut *Gabaon* Hierosolymæ Orientalis esset, ut potius ad Occidentem esset, & proin pro Orientalem legendum *Occidentalem*, (ut CLERICUS quoque statuit,) quemadmodum nos probamus ad Jos. 9. v. 3. IDEM.

5. Δείκνυται... πλησίον Θαμνὰ κώμη] Atqui Thamna fuit in tribu Juda, ut ex hoc ipso libro notum, ideoque ad eam non potuit sepultus esse Josua, cum Scriptura testetur in Ephraimitico agro terram mandatum fuisse. Sed quia facile omnia tunc temporis credebantur, nihil non audebant impostores; quos semper excitat, atque alit nimia plebis credulitas. CLERICUS.

6. Τὸ μῆμα Αββακούμ] Antea vidi ad Ceilam, urbem Judæ, fuisse ostensum hoc monumentum. I nunc & crede Myltagogis. IDEM.

1. Ne.